

太白廣場

古水

辛卯年四月初三 / 2011-05-05

當塗縣衙前有廣場一，衆名之曰太白，蓋青蓮嘗居本縣，承厥名也。

北有噴泉數泓，其間大者周百尺，逢節則噴水如玉。南設周思纂像及紀念館，以興嗣客當塗而作千字文也。東西二側草木鬯茂，花榮葉繁。綠蔭紅卉招搖，其間隱隱現人，多男女攜手，並坐其中，互訴衷腸，繾綣纏綿。

東臨水波，一絕市囂，河面月落溶溶，霓燈豔映，垂柳撫波，幽蘭送香，亭臺廊榭俱全，雖有蚊蚋，亦姑孰難得妙地。

予家距之不過半里，每沐罷輒愛來此稍歇。今日來，見岸邊薔薇花開，歡欣舞蹈，心思志之，爰作斯文。